



Kapadokija iz Sarajeva

14. juni 2026. - 19. juni 2026.

6 dana - 5 noći



Kapadokija (Cappadocia) jedno od najčarobnijih mjesta u **Turskoj** i pejzaž koji je milionima godina oblikovala sama priroda. Vilinski dimnjaci, podzemni gradovi i nebo puno šarenih balona u zoru. Krajolik toliko nestvaran da ćete se zapitati sanjate li.

Istražujemo dolinu Göreme i njen muzej na otvorenom, spuštamo se u labirinte podzemnog grada Derinkuyu i otkrivamo napušteno grčko selo Çavuşin. Budimo se prije zore za let balonom iznad vilinskih dimnjaka — iskustvo koje se pamti cijeli život. Za one željne adrenalina tu su vožnje quadovima kroz doline, jahanje kroz vinograde i plantaže ove drevne "zemlje lijepih konja" i safari džipovima uz zalazak sunca i čašu vina sa pogledom na Dolinu golubova.

Večeri upotpunjavamo u pećinskom restoranu uz turske specijalitete, tradicionalne plesove i performans trbušnih plesačica.





Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Okupljanje grupe i polazak

Okupljanje grupe na aerodromu u Sarajevu. Let iz Sarajeva za Istanbul u 09:05h. Slijetanje u Istanbul u 12:05h po lokalnom vremenu. Konekcija za let za Nevsehir koji je planiran u 13:40h. Slijetanje u Nevsehir u 15:00h po lokalnom vremenu. Transfer do hotela u Kapadokiji, smještaj, slobodno vrijeme i noćenje.

Prevoz

Avionska karta sa svim taksama na relaciji Sarajevo - Istanbul u ekonomskoj klasi

Avionska karta sa svim taksama na relaciji Istanbul - Nevsehir u ekonomskoj klasi

Transfer od aerodroma do smještaja

Smeštaj

Hotel u Kapadokiji (1 noć)

Mesto

Sarajevo, Istanbul, Kapadokija

Dan 2: Fakultativni izlet — Mistična Kapadokija

Nakon doručka odlazimo na fakultativni izlet — Mistična Kapadokija. Kad bi se ime ove historijski vrlo važne regije prevelo na bosanski jezik, značilo bi "zemlja prekrasnih konja". Vijekovima su se na ovom području miješali uticaji Perzije, Aleksandra Velikog, rimskih vladara i ranih kršćana, dok je danas ova regija dio Turske i važna turistička destinacija. Karakterišu je neobične geološke formacije urezane u bijeli kamen (bijeli vulkanski pepeo). Izlet započinjemo odlaskom na obližnji vidikovac sa prekrasnim pogledom na Göreme. Posjećujemo i Zelve Open Air Museum. Nastavljamo avanturu i posjećujemo Çavuşin, staro slikovito grčko selo sa autentičnim i napuštenim kućama. Pauza za ručak planirana je u gradu Avanos. Nakon pauze nastavljamo prema Paşabağ Valley — lokalitetu poznatom po neobičnim gljivastim formacijama stijena. Paşabağ se još naziva i Dolina redovnika zbog crkve svetog Simeona koja se nalazi u samoj dolini. Nakon Paşabağa slijedi fascinantna Dolina mašte — Devrent Valley, poznata po prirodnim oblicima stijena koji podsjećaju na razne životinje i figure. Na kraju obilaska posjećujemo i Dolinu golubova (Pigeon Valley) koja se nalazi u Uçhisaru, odakle se pruža jedan od najljepših panoramskih pogleda na Kapadokiju. Nakon izleta imamo slobodno vrijeme za individualno istraživanje. Povratak u hotel. Noćenje.

Smeštaj

Hotel u Kapadokiji (1 noć)

Mesto

Kapadokija

Hrana

Doručak × 1

Fakultativni izleti

Mistična Kapadokija

Dan 3: Fakultativni izlet — Let balonom

Pred nama je jedno od najčudesnijih iskustava našeg života — fakultativni jutarnji let balonom iznad Kapadokije. Doživite čarobno jutro u Turskoj, leteći nad Kapadokijom uz izlazak sunca, diveći se prizorima pred vama! Ovo će mjesto zauvijek ostati u našim srcima. Osjećaj slobode dok budete lebdjeli nebom ispunjenim šarenim balonima bit će nezamjenjiv, dok će vas jedinstveni pejzaži Kapadokije ostaviti bez daha i pružiti nezaboravan doživljaj ove čarobne regije. Nakon leta balonom očekuje nas povratak u hotel i doručak. Poslije doručka nastavljamo istraživanje Kapadokije odlaskom do podzemnog grada Derinkuyu (Derinkuyu Underground City), najvećeg i najdubljeg podzemnog grada u regiji, koji je kroz historiju služio kao utočište stanovništvu tokom ratova i osvajanja. Nakon obilaska vraćamo se prema području Göreme, gdje imamo slobodno vrijeme za odmor, šetnju ili individualno istraživanje ovog jedinstvenog mjesta. Povratak u hotel. Noćenje.

Smeštaj

Hotel u Kapadokiji (1 noć)

Mesto

Kapadokija

Hrana

Doručak × 1

Fakultativni izleti

Let balonom



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 4: Fakultativni izleti — Tura quadovima i Tradicionalna turska večera

Dan koji je predviđen za još jedan sjajan izlet. Nakon doručka slijedi nam tura quadovima ovom čarobnom turskom regijom! Tokom putovanja vidjet ćemo prekrasne dijelove Kapadokije, a zatim se vraćamo u smještaj. Dok sumiramo utiske sa vožnje, pripremamo se i za tradicionalnu tursku noć. Večer započinjemo odlaskom u jedinstveni restoran smješten u pećini, u kojoj nas čeka večera bogata turskim ukusima u tri slijeda. Uz večeru uživamo u zvukovima turskog melosa i tradicionalnim plesovima iz raznih regija Turske, kao što su ples sa vatrom i kavkaski ples sa noževima. Vrhunac večeri donosi performans trbušnih plesačica, a imat ćemo priliku i sami se oprobati u ovom plesu. Odličan provod i večer koja dugo ostaje u sjećanju! Povratak u hotel, noćenje.

Smeštaj

Hotel u Kapadokiji (1 noć)

Mesto

Kapadokija

Hrana

Doručak × 1

Fakultativni izleti

Tura quadovima

Tradicionalna turska večer

Dan 5: Fakultativni izleti — Tura konjima i Safari džipovima

Buđenje i doručak. Ovaj dan započinjemo fakultativnom dvosatnom turom na konjima. S obzirom na to da je Kapadokija poznata kao "zemlja prekrasnih konja", savršeno je mjesto za istraživanje galopiranjem kroz čarobna prostranstva. Na ovoj turi posjećujemo najljepše doline u Kapadokiji — Dolinu mačeva, dolinu Meskendir i Crvenu dolinu. Jahamo uz plantaže sa jabukama, marelicama, lješnjacima i vinogradima u kojima se proizvode lokalna vina. Ruta kojom idemo vodi do vulkanskih stjenovitih brežuljaka prolazeći pored prekrasnih vilinskih dimnjaka, crkava i prekrasnih pogleda gdje god se okrenemo. Poslijepodne nam slijedi fakultativni izlet safari džipovima. Na fakultativni izlet krećemo ovisno o zalasku sunca, otprilike 3 i pol sata prije nego što sunce nestane. Posjećujemo Dolinu golubova koja se nalazi u gradu Uçhisar, sa koje se pruža najljepši panoramski pogled na regiju. Ovaj dio je također prepoznatljiv po izrezbarenim golubnjacima, djelu starih stanovnika regije. Ovdje ćemo proći i mostom Ibrahimpaša, ranije zvanom Babayan, te vidjeti njegove fascinantne kamene kuće. Ovdje se nalazi i dolina Pancarlık sa crkvom na koju ne možemo ostati ravnodušni. Zahvaljujući prirodnoj ljepoti doline i njenoj historiji osjećat ćemo se kao u bajci! Posjećujemo i dolinu Gomedu, odnosno fascinantni podzemni dio Kapadokije, koji se isprepliće poput mreže tunela, a svaki dio mreže završava u mračnoj pećini. Tu je i druga najviša formacija stijena u regiji — Ortahisar. Uz zalazak sunca i čašu vina ugodaj će biti potpun! Povratak u hotel. Noćenje.

Smeštaj

Hotel u Kapadokiji (1 noć)

Mesto

Kapadokija

Hrana

Doručak × 1

Fakultativni izleti

Tura konjima

Vožnja Safari džipovima

Dan 6: Povratak kući i kraj putovanja

Nakon doručka odjavljujemo se iz hotela i napuštamo smještaj. Imamo slobodno vrijeme za kupovinu posljednjih suvenira nakon čega slijedi transfer do aerodroma u Nevsehiru. Let za Istanbul zakazan je za 15:45h po lokalnom vremenu. Dolazak u Istanbul u 17:20h i konekcija za let za Sarajevo. Let za Sarajevo planiran je u 18:55h, a dolazak u Sarajevo predviđen je u 19:50h po lokalnom vremenu. Kraj ovog divnog putovanja.

Prevoz

Avionska karta sa svim taksama na relaciji Nevsehir - Istanbul u ekonomskoj klasi

Avionska karta sa svim taksama na relaciji Istanbul - Sarajevo u ekonomskoj klasi

Transfer od smještaja do aerodroma

Mesto

Kapadokija, Istanbul, Sarajevo

Hrana

Doručak × 1

Cene i uslovi



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

Šta je uključeno

Regularna cena

1.990,00 BAM

Happy Month Cijena

Akcijska cijena za prijave do 31.03.2026. ili do popune mjesta.

1.390,00 BAM

Nije uključeno

- Međunarodno zdravstveno osiguranje (može se uzeti u agenciji)
- Individualne troškove nastale za vrijeme trajanja aranžmana
- Fakultativne izlete i ulaznice za kulturno historijske spomenike

Uslovi plaćanja: Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnici ili uplatu na transakcijski račun agencije.

Prilikom prijavljivanja plaća se avans u iznosu od 600 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnici karticom - jednokratno ili shopping karticom na rate.

Prijavljivanje: Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Mistična Kapadokija

Cijena: od **115,00** EUR do **140,00** EUR

Izlet započinjemo posjetom podzemnom gradu Kaymakli, jednom od najvećih i najimpresivnijih podzemnih kompleksa u Kapadokiji. Ovaj podzemni grad datira iz 8. vijeka prije Krista, a rani kršćani koristili su ga kao utočište od invazija i progona. Nakon podzemnog grada, istražiti ćemo neka od najfascinantnijih i najslikovitijih mjesta Kapadokije.

Posjećujemo muzej na otvorenom Zelve, još jedan historijski pećinski grad. Zelve je poznat po svojim jedinstvenim vilinskim dimnjacima i crkvama, kao i samostanskom kompleksu i džamiji. Nakon muzeja Zelve, posjećujemo Çavuşin, jedno od najstarijih naselja u Kapadokiji. Çavuşin je poznat po svojim grobovima sa stupovima iz rimskog doba i crkvi sv. Ivana Krstitelja uklesanoj u stijeni, jednoj od najstarijih i najvećih crkava u regiji.

Posjetit ćemo Avanos, grad poznat po keramičarskim radionicama. Avanos se nalazi na obalama rijeke Kizilirmak, najduže rijeke u Turskoj. Imat ćemo priliku vidjeti lokalne keramičare kako pokazuju svoje vještine i pokušat ćemo izraditi vlastitu keramiku. Zatim nastavljamo do doline Paşabağ, poznate i kao Dolina redovnika, jednog od najpopularnijih mjesta u Kapadokiji. Dolina je poznata po vilinskim dimnjacima u obliku gljive, koji su rezultat erozije i procesa trošenja mekanog vulkanskog pepela i kamena. Posljednja stanica je dolina Devrent, poznata i kao Dolina mašte. Dolinu Devrent karakterišu neobične formacije stijena koje su poprimile oblike koji podsjećaju na životinje, ljude, pa čak i mitska bića. Neki od najlakše vidljivih oblika su deva, delfin, puž, tuljan, zmija i zmaj.

U cijenu izleta uključeno: ulaznice za kulturno-historijske spomenike, lokalni vodič na engleskom jeziku, prijevoz, ručak.

Napomena: konačna cijena izleta ovisi o broju prijavljenih putnika i bit će utvrđena nakon što se putnici izjasne o učestvovanju.

Let balonom

Cijena: **100,00** EUR

Ranojutarnji let balonom iznad Kapadokije uz izlazak sunca i nevjerovatne prizore! Jedno od najzujbudljivijih doživljaja na ovom putovanju. Sam izlet traje oko 3 sata, od čega je let balonom oko 1 sat. Obično se na izlet polazi između 4 i 5 ujutru i traje do 7h ili 8h ujutru. U samu „korpu“ balona staje 20 do 28 putnika. Sam plan izleta, trajanje i uopšte mogućnost organizovanja zavisi od vremenskih prilika i na to agencija ne može uticati.

U cijenu izleta uračunato je: lokalni vodič na engleskom jeziku, pratnja predstavnika agencije, let balonom, organizovani prevoz po predviđenom itineraru.

U cijenu izleta nije uračunato: hrana i piće, napojnice za lokalne vodiče i vozače, individualni troškovi.

Tradicionalna turska večer

Cijena: **70,00** EUR

Večer započinjemo odlaskom u jedinstveni restoran smješten u pežini, u kojem nas čeka večera bogata turskim okusima u tri slijeda. Uz večeru uživamo u zvukovima turskog melosa i tradicionalnim plesovima iz raznih regija Turske, kao što su ples s vatrom i kavkaski ples s noževima. Vrhunac večeri donosi performans trbušnih plesačica, a imat ćemo priliku i sami se oprobati u ovom plesu. Odličan provod i večer koja dugo ostaje u sjećanju!

Cijena izleta uključuje: večera od tri slijeda, neograničena lokalna alkoholna i bezalkoholna pića, performans, prijevoz od/do hotela.

Napomena: cijene izleta su samo informativne, konačna cijena izleta bit će utvrđena dvije sedmice prije polaska.



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

Tura quadovima

Cijena: od 30,00 EUR do 60,00 EUR

Jednosatna tura za istraživanje najljepših krajolika Kapadokije vozeći se quadovima! Ova jedinstvena Jungle avantura provest će vas kroz Ürgüp i okolne doline. Quadovima je lahko upravljati i potpuno su automatski, tako da nije potrebno prethodno iskustvo. Staze i ruta kojom se vozi pažljivo su odabrane kako ne bi bile zastrašujuće, već da se u njima uživa.

Napomena: jedna osoba vodi cijelu grupu, ali ne kao vodič koji objašnjava krajolik, već samo zastaje radi fotografisanja. Maloljetne osobe ne mogu samostalno upravljati quadom. Stariji od 16 godina mogu učestvovati u vožnji uz pratnju odrasle osobe.

Cijena ture: Jedna osoba na jedan quad: 50 EUR. Dvije osobe na jedan quad: 60 EUR (30 EUR po osobi).

*Napomena: Ukupna masa dvije osobe koje dijele jedan quad ne smije prelaziti 130 kg.

Tura konjima

Cijena: 50,00 EUR

Kapadokija, poznata kao "Zemlja prekrasnih konja", savršeno je mjesto za istraživanje jašući na konju čarobnim prostranstvima. Konji zauzimaju posebno mjesto u istoriji Kapadokije, a jedinstvena i neobična područja oko Ürgüpa mogu se autentično doživjeti na anadolijskim ili arapskim konjima! Posjećuju se najljepše doline u Kapadokiji, jašemo uz plantaže jabuka, marelica, lješnjaka i vinograde, u kojima se proizvode lokalna vina. Ruta koju slijedimo vodi do vulkanskih stjenovitih brežuljaka prolazeći pored prekrasnih vilinskih dimnjaka, crkava i prekrasnih pogleda gdje god se okrenemo. Na jahanje mogu ići osobe do 90 kg. Ne smiju jahati osobe mlađe od 11 godina

Napomena: cijene izleta su informativne i mijenjaju se ovisno o razdoblju u godini. Konačna cijena izleta bit će utvrđena dvije sedmice prije polaska.

Vožnja Safari džipovima

Cijena: 65,00 EUR

Čarobno safari popodne koje nikada nećete zaboraviti, zalazak sunca i čaša dobrog vina! Fakultativni izlet održava se u poslijepodnevni satima, ovisno o vremenu zalaska sunca. Posjećujemo Dolinu golubova koja se nalazi u gradu Uçhisar i s koje se pruža najljepši panoramski pogled na regiju. Za ovu su regijukarakteristični urezani golubnjaci koje su izradili drevni stanovnici. Očekuje nas i most Ibrahimpaša, prije zvan Babayan, i njegove fascinantne kamene kuće; tu je i dolina Pancarlık s crkvom na koju ne možemo ostati ravnodušni. Posjećujemo i dolinu Gameda, odnosno fascinantni podzemni dio Kapadokije, koji se isprepliće poput mreže tunela, a svaki dio mreže završava u mračnoj pećini. Napokon, ovdje je i druga najviša formacija stijena u regiji Ortahisar. Pri zalasku sunca uživajte uz čašu dobrog vina za potpun doživljaj i užitak! Putovanje završavamo 30-ak minuta nakon zalaska sunca.

Napomene:

*U džipu ćete biti raspoređeni s drugim putnicima. Maksimalan broj ljudi u jednome džipu je 4. Ako džip želite dijeliti samo sa jednom ili dvije osobe, cijena izleta iznosi 85€ po osobi. *Osoba koja vodi grupu nije vodič koji će objašnjavati krajolike, već se zaustavlja samo radi fotografije.

*Održavanje izleta ovisi o vremenskim uslovima.

Napomena: cijene izleta su samo informativne, konačna cijena izleta bit će utvrđena dvije sedmice prije polaska.

Smeštaj

**Hotel u
Kapadokiji**

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel se nalazi u mjestu Urgup. Hotel je smještajni objekat koji raspolaže dvokrevetnim sobama. Sve sobe posjeduju T/WC. Usluga je na bazi noćenja sa doručkom. Ime hotela biće potvrđeno po formiranju grupe, a najkasnije nedelju dana pred put.

Prevoz

Avion

Putnički avion (linijski *putnički avion* ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Mesta

Sarajevo

Sarajevo je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Europi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

Istanbul

Istanbul kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turistu u 2015. godini, pet godina nakon što je proglašen za Evropsku prestonicu kulture, Istanbul predstavlja peti naposjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

Kapadokija



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

Kapadokija (Cappadocia) je historijska regija u srcu Centralne Anadolije u Turskoj, na području današnjih provincija Nevşehir, Kayseri i Aksaray. Njeno ime seže do staroperzijskog "Katpatuka", a vijekovima se prostirala od Taurskog gorja do Crnog mora kao raskrsnica velikih civilizacija.

Korisne informacije

Važne napomene

Ovo je primjer smještaja koji možete očekivati. Konačan hotel može biti drugačiji, ali sličnog kvaliteta i usluge.

Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtijevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.